



COMUNU DE ARRESI

ÀREA AMMINISTRATIVA

Ufitziu Cultura

Pratza A. Moro 1, 09010 SANT'ANNA ARRESI – Tel.0781.9669208/215 Fax.0781.966384
e-mail : segreteria@comune.santannaarresi.ca.it - info@comune.santannaarresi.ca.it
messi@comune.santannaarresi.ca.it

AVISU

OGETU: Ativatzioni laboratòriu culturali chi si narat “*Dae su Contu a su Cinema. Scriri una scenegiadura po su cinema a comentzai dae is Contus de is biddas nostas*”

**Lei 15/12/1999, n. 482, art. 9 e 15 “Normas in matèria de amparu de is minorias linguísticas”.
Avisu po s’impreu de is fundus sigundu s’art.10, c. 5, de sa LR 22/2018 de parti de is Amministratzionis territorialis e localis sigundu s’art. 10, c. 4 de sa LR 22/2018 – DGR n. 13/11 de su 09/04/2021 e DGR 17/21 de su 07/05/2021. Lìnnia 2. Annualidadi 2021.**

Si fait sciri ca s’Amministratzioni Comunali, in collaboratzioni cun s’Assòtziu Teatrali “ IL CROGIUOLO” chi nd’at curau s’elaboratzioni progetuali e is modalidadis organizativas bolit ativai in data 06/09/2022 su laboratòriu culturali stabiliu in s’ogetu.

S’obietivu de su progetu est s’avaloramentu de sa lingua sarda po mèdiu de unu laboratòriu linguisticu de 30 oras, chi at a fai un’espertu chi at a permiti a is participantis de otenni is basis de sa LIMBA SARDA COMUNA, scritta e fueddada, e de is 2 variantis printzipalis (Campidanesu e Logudoresu).

Su cursu at tratai in sardu de is tènicas de scrittura cinematogràfica po sa fiction adatadas a dònna tipu de pùbblicu. Is letzionis s’ant a fai in sardu e custu at a fai cresci s’abilidadadi de is chi participant in su fueddai, faendi a manera chi s’impreu de sa lingua siat prus familiari in totus is cuntustus de sa vida.

In prus de is chistionis tipicamenti linguisticas su cursu at a fungudai sa Cultura identitària de su territòriu aundi s’at a fai su laboratòriu, a comentzai de is peculiaridadis suas: traditzionis, paesàgius, situs archeològicus e àteru.

Gràtzias a custus elementus e a su traballu de is participantis, in su laboratòriu s’ant a fai una o prus scenegiaduras originalis in lingua sarda, chi siant ambientadas in su territòriu e ndi contint is stòrias e is traditzionis.

Su cursu at a essi s’ocasioni po imparai is fasis e is tènicas de una produtzioni cinematogràfica a comentzai de su sugetu de sa scenegiadura fintzas a sterri sa scenegiadura cumpleta. In su cursu su docenti at a cumbidai is sugetus participantis a criai unu sugetu originali a comentzai de is contus, is traditzionis e is logus de su territòriu. Is sugetus a pustis ant a essi elaboraus cun sa collaboratzioni de su docenti, fintzas a chi diventant sa scenegiadura de unu metràgiu curtzu.

Is scenegiaduras finalis ant a essi ligias de is atoris de Il Crogiuolo in s'eventu chi serrat su cursu, su reading at a essi registrau po chi si fatzat un' àudio libru e cun is testus s'at criai unu ebook chi at podi essi publicau in is social.

Su laboratòriu no est acapiu a nisciuna varianti spetzifica e non netzessitat de conoscèntzias pregrèssas po sa partecipazioni.

Su laboratòriu, cun sa partecipazioni a in donu, at a essi ativau in data 06/09/2022 e s'at a articulai in 15 atòbius (2 atòbius dònna cida in is diis de martis e giòbia, cun oràriu de is 16.00 a is 18.00), cun s'acabu a intrus de su 30/10/2022 po unu totali de 30 oras.

Si nùmeru de rechestas fessit prus artu de 24 s'at a donai prioridadi a is residentis in su Comunu de S.A. Arresi.

Is adesionis depint essi comunicadas diretamente a s'Assòtziu Teatrali Il Crogiuolo po mèdiu de una mail de mandai a s'indiritzu: ilcrogiuolo@gmail.com non prus a trigadiu de su 27/08/2022, specifichendi is generalidadis, s'indiritzu de residèntzia e unu recàpitu telefònicu.

Is localis po fai su laboratòriu ant a essi postus a disponimentu de su Comunu de Arresi aundi est su Centru de agregazioni sociali in bia via Giudice Mariano. Àteras informatzionis in prus podint essi dimandadas telefonendi a s'Assòtziu etotu a su nùmeru n. 334/8821892.

Arresi, 08/08/2022

Responsàbili Àrea Amministrativa

Dot.a Martina Uccheddu